

## Član 7.

(Provjera ispunjavanja kriterija)

Kantonalni centar će u roku od 30 dana od dana početka primjene ove Uredbe, za sva lica koja su ostvarila pravo na sufinansiranje troškova podstanarstva na osnovu Zaključka Vlade Kantona Sarajevo broj: 02-05-8403-28/12 od 29.03.2012. godine, izvršiti provjeru ispunjavanja propisanih uslova iz ove uredbe, te postupiti u skladu sa članom 4. stav (3) ove Uredbe.

## Član 8.

(Obaveza prijave promjena)

Korisnici prava na sufinansiranje troškova podstanarstva obavezni su Kantonalnom centru prijaviti svaku promjenu koja utiče na ostvarivanje ovog prava.

## Član 9.

(Nadležnost za realizaciju uredbe)

Za realizaciju ove Uredbe obavezuju se Ministarstvo, Ministarstvo finansija Kantona Sarajevo i Kantonalni centar.

## Član 10.

(Gramatička terminologija)

Gramatička terminologija korištenja muškog i ženskog roda za pojmove u ovoj Uredbi, uključuje oba roda.

## Član 11.

(Stupanje na snagu)

Ova Uredba stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 01.05.2020. godine.

Broj 02-04-5509-25/20  
28. februara 2020. godine  
Sarajevo

Premijer  
**Edin Forto**, s. r.

Na osnovu čl. 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14-Ispravka) i člana 164. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17 i 28/18), Vlada Kantona Sarajevo na 60. sjednici održanoj 28.02.2020. godine, donijela je

**UREDBU****O SUBVENCIONIRANJU BORAVKA DJECE U  
PREDŠKOLSKIM USTANOVAMA NA PODRUČJU  
KANTONA SARAJEVO**

## Član 1.

(Predmet)

Ovom Uredbom utvrđuje se način i cilj subvencioniranja boravka djece u predškolskim ustanovama, korisnici prava subvencioniranja boravka, uslovi za ostvarivanje prava i procentualni iznosi subvencije, razlozi nemogućnosti ostvarivanja prava, postupak ostvarivanja prava, sredstva za finansiranje realizacije ove uredbe, nadležni organi i njihove obaveze, kao i druga pitanja od značaja za subvencioniranje boravka djece u predškolskim ustanovama na području Kantona Sarajevo.

## Član 2.

(Definicije)

- (1) Predškolske ustanove u smislu ove Uredbe su ustanove registrirane kod nadležnog suda za djelatnost predškolskog obrazovanja i odgoja na području Kantona Sarajevo.
- (2) Boravak djece u predškolskim ustanovama u smislu ove Uredbe je korištenje usluga obrazovanja i odgoja pruženih djeci od strane predškolskih ustanova.
- (3) Subvencioniranje boravka je potpuno ili djelimično oslobađanje od plaćanja cijene boravka djece u predškolskim ustanovama.
- (4) Cijena boravka djece u predškolskim ustanovama u smislu ove Uredbe je cijena utvrđena odlukom Vlade Kantona Sarajevo za boravak djece u JU "Djeca Sarajeva" za jedan mjesec.
- (5) Za pojmove koji se koriste u ovoj Uredbi a koji nisu posebno definisani ovom Uredbom primjenjivat će se definicije iz Zakona o osnovama socijalne zaštiti, zaštite civilnih žrtava

rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09, 45/16 i 40/18) i Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17 i 28/18).

## Član 3.

(Cilj)

Boravak djece u predškolskim ustanovama subvencionira se u cilju obezbjeđenja jednakih uvjeta za obrazovanje, odgoj, njegu i zbrinjavanje djece predškolskog uzrasta i u skladu sa potrebama očuvanja socijalne sigurnosti porodice sa niskim primanjima.

## Član 4.

- (Subvencioniranje boravka u jednoj ili dvije predškolske ustanove)
- (1) U skladu sa odredbama ove Uredbe djeca imaju pravo na subvencioniranje boravka u jednoj predškolskoj ustanovi.
  - (2) Izuzetno od prethodnog stava, djeca s teškoćama u razvoju mogu ostvariti pravo na subvencioniranje boravka u dvije predškolske ustanove, u skladu sa članom 10. ove Uredbe, s tim da jedna predškolska ustanova ima registriran program kojim se mogu zadovoljiti odgojno obrazovne i razvojne potrebe djece sa invaliditetom i omogućiti produženi stručni tretman u okviru kompenzacionih i rehabilitacionih razvojnih programa.

## Član 5.

(Subvencioniranje boravka u iznosu od 100% cijene boravka djece u predškolskim ustanovama)

Pravo na subvencioniranje boravka u iznosu od 100% cijene boravka djece u predškolskim ustanovama ostvaruju:

- a) djeca bez oba roditelja,
- b) djeca čiji je jedan od roditelja osoba sa invaliditetom iz Zakona o osnovama socijalne zaštiti, zaštite civilnih žrtava rata i zaštite porodice sa djecom,
- c) djeca korisnika naknade za pomoć i njegu od strane druge osobe,
- d) djeca korisnika prava na stalnu novčanu pomoć,
- e) djeca sa invaliditetom,
- f) djeca u čijem domaćinstvu ima jedno ili više lica sa intelektualnim poteškoćama ili psihički oboljelih osoba,
- g) djeca čija su oba roditelja redovni studenti,
- h) djeca koja se sudskom odlukom povjeravaju na čuvanje i odgoj drugoj osobi,
- i) djeca čiji je jedan roditelj zaposlen ukoliko je drugi roditelj umro ili nije priznao očinstvo.

## Član 6.

(Subvencioniranje boravka u iznosu od 50% cijene boravka djece u predškolskim ustanovama)

- (1) Pravo na subvencioniranje boravka u iznosu od 50% od cijene troškova boravka djece u predškolskim ustanovama, pod uslovom iz stava (2) ovog člana, ostvaruju:
  - a) djeca zaposlenih roditelja,
  - b) djeca čiji je jedan od roditelja zaposlen, a drugi redovan student.
- (2) Uslov za ostvarivanje prava iz stava (1) ovog člana je da prihod po članu domaćinstva ne prelazi 35% prosječne plaće definisane u Zakonu o socijalnoj zaštiti, zaštiti civilnih žrtava rata i zaštiti porodice sa djecom pod uvjetom da ispunjavaju ostale kriterije za ostvarivanje prava na dodatak na djecu.

## Član 7.

(Subvencioniranje boravka u iznosu od 30% od cijene boravka djece u predškolskim ustanovama)

Pravo na subvencioniranje boravka u iznosu od 30% od cijene boravka u predškolskim ustanovama ostvaruju djeca čiji su roditelji zaposleni, bez obzira na ukupne prihode domaćinstva, ako dvoje ili više djece iz te porodice boravi u predškolskoj ustanovi.

## Član 8.

(Razlozi nemogućnosti ostvarivanja prava na subvencioniranje boravka)

Pravo na subvencioniranje boravka ne može ostvariti dijete u čijem domaćinstvu je jedan od članova zajedničkog domaćinstva osnivač ili suosnivač poslovnog subjekta registriranog u skladu sa

propisom o registraciji poslovnih subjekata ili osnivač bilo koje vrste registrovane samostalne privredne djelatnosti (obrta, radnje, kancelarije i sl.) registrirane u skladu sa posebnim propisima ili ima registriranu dopunsku djelatnost, vlasnik je ili posjednik motornog vozila, osim ako su u pitanju osobe sa invaliditetom koje po propisima iz oblasti poreske i carinske politike mogu uvesti ili na domaćem tržištu kupiti motorno vozilo kao ortopedsko ili drugo pomagalo.

#### Član 9.

(Postupak ostvarivanja prava na subvencioniranje boravka)

- (1) Zahtjev za ostvarivanje prava na subvencioniranje boravka može podnijeti roditelj ili drugi zakonom odnosno odgovarajućom odlukom ovlaštenim zastupnik ili lice kojem je dijete povjereno na čuvanje i odgoj.
- (2) O zahtjevu za ostvarivanje prava na subvencioniranje boravka rješenjem odlučuju općine prema mjestu prebivališta ili boravišta djeteta.
- (3) Protiv prvostepenog rješenja iz stava (2) ovog člana nezadovoljna stranka može izjaviti žalbu Ministarstvu za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo).
- (4) U postupku rješavanja po ovoj Uredbi primjenjuje se Zakon o upravnom postupku ("Službene novine Federacije BiH", br. 2/98 i 48/99).

#### Član 10.

(Način obračuna cijene boravka u dvije predškolske ustanove)

Ukoliko dijete sa teškoćama u razvoju ostvari pravo na subvencioniranje boravka u dvije predškolske ustanove, rješenjem iz člana 9. ove Uredbe utvrdit će se broj sati koliko će dijete boraviti u svakoj predškolskoj ustanovi, te će se srazmjerno broju sati boravka djeteta, utvrditi srazmjerno i cijena boravka djeteta za svaku predškolsku ustanovu zasebno tako da ukupna cijena subvencioniranog boravka ne pređe cijenu boravka djece u predškolskim ustanovama koja je definisana u članu 2. stav (4) ove uredbe.

#### Član 11.

(Početak toka prava na subvencioniranje boravka)

Pravo na subvencioniranje boravka teče od prvog dana narednog mjeseca po podnošenju zahtjeva za ostvarivanje prava.

#### Član 12.

(Obaveza prijavljivanja promjena od uticaja na ostvarivanje prava na subvencioniranje boravka)

Lica iz člana 9. stav (1) ove Uredbe dužna su nadležnom prvostepenom organu prijaviti svaku promjenu koja utiče na ostvarivanje prava na subvencioniranje boravka.

#### Član 13.

(Obezbjedivanje finansijskih sredstava)

Finansijska sredstva za realizaciju ove Uredbe obezbjeđuje Kanton Sarajevo.

#### Član 14.

(Obaveza općina, predškolskih ustanova i Ministarstva za rad, socijalnu politiku, raseljena lica i izbjeglice Kantona Sarajevo)

- (1) Općine iz člana 9. ove Uredbe dužne su Ministarstvu kontinuirano dostavljati pojedinačna rješenja o ostvarivanju prava na subvencioniranje boravka.
- (2) Predškolske ustanove u kojima borave djeca koja su ostvarila pravo na subvencioniranje boravka u skladu sa ovom Uredbom dužne su Ministarstvu dostaviti mjesečne obračune boravka djece u skladu sa rješenjima iz člana 9. ove Uredbe, uključujući i spisak djece koja su u tom mjesecu boravila u konkretnoj predškolskoj ustanovi.
- (3) Ministarstvo će u skladu sa dostavljenim spiskovima, obračunima, te pojedinačnim rješenjima o priznavanju prava na subvencioniranje boravka mjesečno vršiti isplate predškolskim ustanovama.

#### Član 15.

(Slučajevi, odnosno postupci koji čekaju pravosnažno rješenje)

Svi slučajevi, odnosno postupci koji do dana stupanja na snagu ove Uredbe nisu pravosnažno okončani završit će se po odredbama ove Uredbe.

#### Član 16.

(Prestanak važenja ranijeg propisa)

Danom stupanja na snagu ove Uredbe prestaje da važi Uredba o subvencioniranju troškova boravka djece u predškolskim ustanovama na području Kantona Sarajevo ("Službene novine Kantona Sarajevo", broj 23/02).

#### Član 17.

(Stupanje na snagu)

Ova Uredba stupa na snagu danom objavljivanja u "Službenim novinama Kantona Sarajevo", a primjenjivat će se od 01.04.2020. godine.

Broj 02-04-5509-26/20  
28. februara 2020. godine  
Sarajevo

Premijer  
**Edin Forto**, s. r.

Na osnovu tačke V Odluke o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe ("Službene novine Kantona Sarajevo", broj 21/09 - Prečišćeni tekst, 19/12, 26/14 i 44/14), čl. 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), tačke III Rješenja o imenovanju radne grupe za izradu Nacrta Zakona o zabrani nepotizma i stranačkog zapošljavanja, broj 02-04-226-3/20 od 09.01.2020. godine, tačke I i Ia Rješenja o izmjeni i dopuni Rješenja o imenovanju radne grupe za izradu Nacrta Zakona o zabrani nepotizma i stranačkog zapošljavanja, broj 02-04-2751-15/20 i Zaključka Vlade Kantona Sarajevo, broj: 02-05-27435-38/14 od 30.10.2014. godine, Vlada Kantona Sarajevo, na 60. sjednici održanoj 27.02.2020. godine, donijela je

### ODLUKU

#### O UTVRĐIVANJU VISINE NAKNADE

##### I

Ovom Odlukom utvrđuje se visina mjesečne naknade za rad u radnoj grupi za izradu nacrta Zakona o zabrani nepotizma i stranačkog zapošljavanja, za period februar-maj 2020. godine, počev od februara 2020. godine, i to:

1. Dino Mešić - predsjednik radne grupe ispred Ministarstva pravde i uprave Kantona Sarajevo - 200,00 KM;
2. Amna Muhamedović - 200,00 KM član;
3. Admir Alispahić - član radne grupe ispred Agencije za državnu službu Federacije BiH - 200,00 KM;
4. Haris Hećo - član radne grupe ispred Ureda za zakonodavstvo Vlade Kantona Sarajevo - 200,00 KM;
5. Adis Bisić - član radne grupe ispred Ureda za zakonodavstvo Vlade Kantona Sarajevo - 200,00 KM;
6. Dario Jovanović - član radne grupe ispred Centra civilnih inicijativa - 200,00 KM;
7. Peđa Đurasović - član radne grupe ispred Transparency International BiH - 200,00 KM;
8. Uglješa Vuković - član radne grupe ispred Transparency International BiH - 200,00 KM;
9. Edina Karasalihić - tehničko lice - 140,00 KM.

##### II

Naknada za imenovana lica iz tačke I ove Odluke isplatit će se iz Budžeta Kantona Sarajevo za 2020. godinu, sa pozicije Ministarstva pravde i uprave, 613900 - ugovorene i druge usluge.

##### III

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-5509-21/20  
27. februara 2020. godine  
Sarajevo

Premijer  
**Edin Forto**, s. r.